

**JAVNO KOMUNALNO PREDUZEĆE
„PANNONICA“ d.o.o. za sportsko
rekreativne aktivnosti TUZLA**

Šetalište Slana Banja bb, 75000 Tuzla, Bosna i Hercegovina
Kantonalni sud u Tuzli, broj: 032-0-Reg-09-11-00-1237
Račun broj: 1321000311574872, NLB Banka d.d.
Račun broj: 1995060054151184, Sparkasse Bank d.d.
Račun broj: 1543602011285236, Intesa Sanpaolo Banka
ID broj: 4209598600008; PDV broj: 209598600008
Porezni broj: 03011041
Telefon/fax: +387 35 246-711/710; e-mail: panonica@bih.net.ba

Broj: 1364/20

Datum:15.6.2020.godine

Shodno naredbi Kriznog štaba F BiH broj: 01-33-3510/20 od 12.06.2020. godine i članu 65.Statuta JKP Pannonica doo Tuzla , direktor donosi sljedeći

**PLAN
O UPRAVLJANJU RADNIM PROCESIMA U KRIZNIM SITUACIJAMA**

Sa ciljem sprječavanja ili smanjenja mogućnosti prenosa virusa Covid-19, neophodna je primjena preventivnih mjera zbog zaštite zdravlja radnika i posjetilaca kompleksa slanih jezera Panonika, formira se Radna grupa za upravljanje kriznim situacijama u JKP Pannonica doo Tuzla koju čine:

1. Direktor – Porobić Majid
2. Rukovodilac sektora održavanja, obezbjeđenja i nadzora- Gavranović Sulejman
3. Rukovodilac sektora za računovodstvo, finansije u ugostiteljstvo- Baraković Besima
4. Rukovodilac sektora opštih poslova – Smajlefendić Muhamed

Zadatak Radne grupe je da izradi Plan o upravljanju radnim procesima u kriznoj situaciji i nadzire njegovo provođenje. Plan koji se donosi, odnosi se na kriznu situaciju vezanu za širenje pandemije virusa COVID19, pri čemu se postupa shodno naredbama zdravstvenih organa i Kriznog štaba F BiH i TK.

1.Opšte mjere:

- Izvršiti edukaciju svih uposlenika o svim mjerama koje se provode ili se na njih odnose;
- Na vidnim mjestima na svim ulazima u kompleks jezera istaknuti obavijesti o preventivnim mjerama i pravilima ponašanja gostiju i uposlenika;
- Na ulazima u kompleks i u radnim prostorima uposlenika obavezno je postavljanje dozatora sa dezinfikacionim sredstvom (70% alkohol) kao i dezinfikacionih barijera za dezinfekciju obuće;
- Za goste i uposlenike nije dozvoljen ulaz na kompleks jezera u slučaju da imaju simptome zarazne bolesti (povišena temperatura, kašalj, bol u grlu, otežano disanje, kijavica, malaksalost,...);
- Potrebno je pojačati mjere redovnog održavanja higijene cijelog kompleksa sa akcentom na pojačano čišćenje i dezinfekciju radnih prostora, sanitarnih prostora kao i prostora za pripremu hrane;

- Potrebno je pojačati mjere nad nadzorom pripreme i filtracije jezerske vode uz obavezno održavanje koncentracije rezidualnog hlora na vrijednostima blizu maksimalno dozvoljenim;
- Obezbjedenje dovoljnih količina sredstava za dezinfekciju;

2.Zdravstvene mjere:

Na kompleksu Panonskih jezera se uvode slijedeće preventivne mjere :

- Obezbjedenje sigurnosne razdaljine na plažama i ugostiteljskim objektima od minimum 1,5 - 2 metra za posjetioce kompleksa. Ova mjera se ne odnosi na članove porodice;
- Maksimalan broj osoba kojima je dozvoljen istovremeni boravak u kompleksu je broj posjetilaca u realnom vremenu koji osigurava sigurnosnu razdaljinu od min. 1,5-2 m. osim članova porodice.
- Obavezan prolazak obućom kroz nožnu dezinfikacionu barijeru prije ulaza u kompleks, dezinfikacione barijere su obavezne i na ulazima u sanitarne prostorije i upravnu zgradu;
- Obavezna dezinfekcija ruku na ulazu u kompleks;
- Dnevna dezinfekcija plaža kompleksa sredstvom na bazi hlora koncentracije od min.1mg/l;
- Dnevna dezinfekcija plažnog mobilijara i dezinfekcija nakon izmjene korisnika (ležaljke, klupe, stolovi, kabine za presvlačenje);
- Kontinuirana dezinfekcija jezerske vode sa hlorom koji obezbeđuje koncentraciju min. 0,2-0,4 mg/l;
- Obezbijediti kontinuiranu koncentraciju saliniteta u jezerskoj vodi od min. 35 gr./l ;
- Dnevna dezinfekcija i stalno održavanje higijene ulaznih kapija i sanitarnih prostorija;
- Obavezno je tuširanje gostiju prije ulaska u vodu jezera
- Tokom boravka u vodi i plivanja, gosti su dužni držati razmak od min.1,5-2 m.;

3.Mjere zaštite na radu uposlenika:

- Svi uposlenici su dužni da se pridržavaju opštih i posebnih mjera zaštite na radu shodno Pravilniku o zaštiti na radu JKP Pannonica doo Tuzla;
- Svi radnici i zaposleni koji dolaze na posao, kao i treća lica koja iz bilo kojeg razloga dolaze u prostorije društva , dužni su voditi računa o radu u uslovima sigurnosne razdaljine od min.1,5-2 m.;
- Prilikom dolaska i odlaska na posao svi radnici su dužni pridržavati se preporučenih i određenih mjera zaštite, te neposredno prilikom ulaska u prostorije Društva koristiti dezinfekciona sredstva, odnosno izvršiti dezinfekciju ruku i obuće;
- Obavezno je nošenje zaštitnih maski radnika na ulaznim kapijama, ugostiteljskim objektima, u upravnoj zgradi kao i radnika na radovima izdavanja plažnog mobilijara, nadzora nad kupalištem, tehničkog održavanja postrojenja i održavanja higijene plaža i sanitarnih prostorija;
- Kod obavljanja radnih zadataka i poslova svi radnici su dužni voditi računa da se grupisanje svede na najmanju moguću mjeru kao i da se vrijeme pauze provodi na preporučenoj sigurnosnoj udaljenosti od min. 1,5-2 m.;
- Obavezno je posjedovanje sanitarne knjižice uposlenika na ugostiteljskim i prodajnim objektima;
- osigurati kontinuiranu dostupnost higijenskih sredstava za radnike (sapuni, jednokratni ubrusi, maske, rukavice) te odgovarajuće dezificijense;

- Obavezno je mjerenje temperature radnika prilikom dolaska na posao pomoću bezkontaktnog termometra;
- Ako se radnik osjeća bolesno sa simptomima dok je na poslu, simptomi se moraju odmah prijaviti nadležnoj osobi i osoba treba biti puštena kući;
- Ukoliko radnik razvije simptome dok nije na poslu, treba ostati kući, kontaktirati nadležni Dom zdravlja i informisati nadređenog o svom stanju;
- Svi radnici su dužni preduzeti potrebne radnje ako su kontaktirali sa licima koja su došla iz inostranstva ili sa područja u kojima su registrovani klasteri zaraze, te o tome odmah obavijestiti rukovodioca, upravu Društva i nadležne službe radi preduzimanja potrebnih radnji;

4.Preporuke prema gostima kompleksa jezera:

- Ostanite kući ako ste bolesni i imate simptome gripe;
- Naučite se osnovnim principima njege kod kuće u slučaju bolesti;
- Ako kašljete i kišete prekriti usta i nos laktom ili papirnom maramicom. Maramicu odbacite u kantu za otpatke, te operite ruke;
- Često perite ruke, sapunom i vodom najmanje 30 sekundi ili koristite dezinficijense na bazi alkohola (min.70%).
- Obavezno perite ruke nakon korištenja wc-a.
- Obavezno je tuširanje prije ulaska u vodu jezera;
- Izbjegavajte rukovanje/grljenje i održavajte sigurnosni razmak od najmanje 1,5-2 m. tokom razgovora;
- Ne dodirujte svoje lice neopranim rukama;
- Koristite jednokratne maramice i rukavice;
- Ne koristite već korištene jednokratne maske, maramice i rukavice;
- Zabranjeno je pomjeranje ležaljki koje su postavljene na prethodno određene pozicije unutar kompleksa

5.Kontrola provedbe preventivnih mjera:

Kontrolu provedbe predloženih mjera u cilju sprječavanja ili smanjenja mogućnosti prenosa virusa Covid-19, vršiće Radna grupa u saradnji sa ostalim uposlenicima JKP Pannonica doo Tuzla. Kontrolu provedbe mjera osiguranja sigurnosne razdaljine gostiju na plažama i u vodi će vršiti Spasilačko-redarska služba u saradnji sa drugim zaposlenicima. Kontrolu provedbe ostalih preventivnih mjera na ugostiteljskim objektima i u drugim radnim prostorima, vršiće odgovorna lica u sistemu rada JKP Pannonica doo Tuzla. Primarna akcija treba da se odnosi na važnost brzog djelovanja na ulazima u kompleks i izolacije osoba sa simptomima zaraze. Unutar kompleksa, primarna akcija treba da se odnosi na osiguravanje sigurnosne razdaljine između gostiju na plažama, u vodi kao i otvorenim prostorima ljetnih bašti. Pri tome je potrebno kontinuirano i često putem razglasnog sistema na jezerima, informisati goste i radnike na nužnost provođenja svih preventivnih mjera. Ukoliko se desi promjena u nastaloj kriznoj situaciji, Radna grupa će prilagoditi mjere.



Direktor
Majid Porobić